


# LONG KISIM LISENS BILONG YU LONG DRAIVIM KAR TOKSAVE LONG OL WOKMANMERI BILONG PASIFIK I STAP LONG AUSTRALIA

Long kisim lisens bilong draivim kar long Australia i ken narapela kain long wanem hap yu stap long Australia – i gat narapela lo bilong kisim lisens long wanwan stet. Painim toksave long kisim lisens daunbilo hia:

Australian Capital Territory (ACT)	Transport – Access Canberra: <a href="https://www.accesscanberra.act.gov.au/app/home/transport">https://www.accesscanberra.act.gov.au/app/home/transport</a>  (long kisim lisens bilong draivim kar long ACT em narapela kain long ol narapela hap long kantri)
New South Wales	Roads and Maritime Services: <a href="https://www.rms.nsw.gov.au/">https://www.rms.nsw.gov.au/</a>
Northern Territory	Department of Transport: <a href="https://nt.gov.au/driving">https://nt.gov.au/driving</a>
Queensland	Department of Transport and Main Roads: <a href="https://www.tmr.qld.gov.au/">https://www.tmr.qld.gov.au/</a>
South Australia	Department for Transport, Energy and Infrastructure: <a href="https://www.dpti.sa.gov.au/">https://www.dpti.sa.gov.au/</a>
Tasmania	Department of State Growth: <a href="https://www.stategrowth.tas.gov.au/">https://www.stategrowth.tas.gov.au/</a>
Victoria	VicRoads: <a href="https://www.vicroads.vic.gov.au/">https://www.vicroads.vic.gov.au/</a>
Western Australia	Department of Transport: <a href="https://www.transport.wa.gov.au/">https://www.transport.wa.gov.au/</a>

## LONG STAP SEF LONG ROT



Taim yu draivim kar long Australia, yu mas draiv gut na lukautim ol narapela i stap long rot. Em importan tru bai yu mas lainim ol lo bilong draiv long rot, we ol dispela lo nogut i narapela kain tru long wanem lo yu save long kantri we yu kam long en (olsem sampela kantri i save draiv long narapela han-kais sait bilong ol rot). Ol lo tu i narapela kain liklik long wanem stet na teritori long Australia, olsem yu mas lainim wanem ol lo yu mas bihainim long hap stret yu stap long en. Sapos yu brukim ol lo, nogut bai yu baim moni. Na sapos yu brukim wanpela bikpela lo, bai yu inap lusim lisens bilong yu o polis i ken kotim yu long dispela.

**Long olgeta hap long Australia, yu bai brukim lo sapos yu draivim kar long taim yu spak long ol drug o long bia samting. Yu spak na draiv bai yu inap kamapim bikpela trabel long yu yet na ol narapela tu.**

### Long taim yu kalap long kar long draiv yu mas:

- Save em sef long yu draiv
- Tingim gut ron bilong yu bai yu save gut yu go we tru
- Save olsem yu no pilim yu laik slip – na olgeta taim yu go long longpela rot yu mas stap na malolo liklik
- Sekim nogut i gat sampela toksave long trafik na rot i stap olsem wanem
- Sapos yu save bai yu dring bia, orait yu mas tingting gut na no ken dring bia na draivim kar.

### Taim yu draiv yu mas:

- Pasim gut sitbelt (draiva na ol pasindia)
- Draiv ananit long mak bilong spid
- No ken toktok o raitim sampela toktok long mobile fone
- Bihainim gut ol lo bilong rot, bihainim ol rot sain na mak long rot tu
- Lukluk gut long rot – no ken lukluk nabaut na lusim tingting long yu stap long rot
- Tingim ol narapela draiva na ronim kar gut wantaim ol
- No ken spid tumas long hap ol wokim rot, long hap bilong ol skul na hap tren i save katim rot tu.



Yu gat sampela askim gen? Tingim yu inap long toktok wantaim husat manmeri i go pas long tim bilong yu, husat kampani yu wok long en, wokmanmeri long case yu wok long en na tu yu inap ringim Pacific Labour Facility 24-hour hotline long fone namba: 1800 51 51 31.